

清
泉
縣
志

37196

共二冊

地 270.45
38
: 1-2
部 3



清

泉

縣

志

伏讀

欽定四庫全書提要謂武功康書削地志繁濫之習書止七篇義例分明綱目具括朝邑韓書止二十餘頁上下數千年包括巨細若有餘閒無局促束縛之迹此足見文簡事覈志書之體要在此卽志書之能事盡此清泉志自析縣之始江令君恂纂輯以後迄今百十餘年政由俗遷治隨時變凡風土人情升降移易月異而歲不同都人士雅意續修作輟靡常久未葺事會張東墅觀察榷稅來衡王春坡大令聘延筆削閱四月書成不漏不誣不鑿不濫繁簡得中具有史法洵可與武功朝邑諸志媲美矣抑余更有說焉夫文獻之流傳風俗之樸雕與夫官司政事之得清泉縣志

序

失時雖久而不遺事雖細而必錄非徒以網羅放失也閱是編者誠能省里閭之疾苦考運會之盛衰瞿然以化俗宜民爲己任將因革損益擇善而從斯志也卽以作成憲之監可也是尤余所深望也夫

同治八年四月中澣衡州府知府海甯張士寬撰

清泉縣志目錄

卷首

輿圖 城廂 鄉都

詳文

卷一

地理 疆域 形勢

里都 星野

鎮市 沿革

山川

卷二

建置 城表 坊表

街巷 津梁

官署 郵鋪

倉廩 汛防

公廨

卷三

祠祀 壇壝 冢墓

祠廟 寺觀

卷四

清泉縣志

目錄

貢賦 賦稅 戶口

積儲 物產

鹽政

卷五

學校 規制 書院

額例 義塾

租稅 風俗

卷六

官師 秩官表 名宦傳

卷七

選舉 科目 例納

薦舉 封贈

卷八

人物 列傳

卷九

人物 忠義傳 方技傳

文苑傳 耆壽傳

孝義傳 列女傳

卷十

藝文 書目
金石

卷末

事紀 兵事
祥異

雜識

清泉縣志

目錄

清泉縣志凡例

一圖列卷首志體相沿分繪城廂鄉都便觀覽也茲錄分縣案內府詳以彰初哉首基之義

一地理爲周禮職方之遺官守所繫當使開卷瞭然茲就專屬本境者條列於前與衡陽公共者略陳於後

一建置祠祀貢賦學校仍舊志損益之戶口列貢賦風俗附學校古人勤民勵俗之意庶不失其本來

一官師選舉悉從分縣始人物諸傳及藝文內著錄書籍斷自乾隆以別於衡陽志也論人須沒世乃定詩文撰述亦然凡生存者概不錄

一事紀略舉往跡詳述近事分縣之志固有體矣雜識則

清泉縣志

凡例

一

稗官家言不拘繩尺然已見衡陽志者不復贅也

一舊志繕刊行列間有參差茲爲審定正文頂格總目小序低一格子目及原案低二格續案低三格正文序目大書注案雙行遇應擡寫處正文跳行餘空格官書之式不容苟簡爾

清泉縣志卷首


輿圖

序曰輿圖蓋周官之制晉裴秀唐李吉甫輩踵事益精
迨我朝內府圖出揆中星以定方位至爲詳備志乘
所載猶卷勺耳然廣輪之數名勝之區實藉以攷證非
僅供少文臥遊也舊志十圖今以城廂鄉都括其大略
仍列卷首聊爲采風者資一得云爾

城廂圖

城內雍和坊之坐
城外東廂屬清泉

江東鎮回雁門至瀟湘門外
及江東鎮統名東廂



城濠自回雁門迤西
而北至瞻獄門止

縣學宮在
望湖門外

外城自安西門外迤南
至回雁門珠瑯巷止

回雁峯
接龍山

石鼓山

回雁水北流

南

田

花藥山

無

分縣詳文

衡州府詳
藩臬兩司

序曰 國初郡邑多仍明制中葉乃漸有分析蓋吏治
隨民俗爲繁簡揆時量地誠宰世之大經也清泉設縣
迄今百餘年生聚阜蕃訟獄衰息猗與盛哉 廟謨深
遠矣陳文恭公奏疏舊志未載徧考縣牘得詳稟一通
錄之爲一邑掌故之始亦使服疇食德者識所自來云
乾隆二十一年七月日衡永郴桂道兼攝衡州府知府孔
傳祖爲詳齎分縣清冊事本年五月二十二日奉前憲
鈔案內開奉撫部院札開准吏部移咨文選司案呈內閣
鈔出湖南巡撫陳等奏請設新縣等因乾隆二十一年二
月初十日奉

清泉縣志

卷首詳文

四

殊批該部議奏欽此臣等會議得該撫奏稱衡州府衡陽
縣係衝繁疲難四項相兼最要缺錢糧漕折十萬有奇地
廣民稠訟案太繁知縣日不暇給歷任撫臣會議分縣因
需費浩繁中止近年又議將衡州府同知移駐縣西之查
江管理民事以分衡陽之繁難臣親往相度查江煙戶偏
近溪河難建衙署若擇地另建費仍不貲且無城垣防範
亦非長策旋據該府縣稟請將同知改爲知縣卽於府城
分建縣治等情臣飭行布政按察兩司會同衡永郴桂道
定議具詳今據詳稱附府之縣同城分治各省多有現在
衡州知府及同知通判均在一城請將同知捕務歸併通
判管理裁去同知改設知縣與衡陽畫疆而理以東南二

鄉統歸新縣一切地界人戶正雜錢糧按都分撥兩縣適均同知俸薪減給新縣所餘銀兩畱撥祭祀之用惟同知衙門在府衙之內不便改作縣署查府衙右側有久裁之推官署基可以移蓋再旣設知縣必須添設典史添蓋監獄倉廩查衡州府原有司獄一員今新縣署卽在府旁府審之犯可禁縣監府司獄可裁改爲典史卽以府監作縣監府倉內撥給數閒可作縣倉禁卒庫子斗級等役均可改撥其

文廟則新舊兩縣同城照例無庸分建卽以衡陽訓導改爲新縣訓導門斗齋夫照舊分撥衡陽原係大學文武學額各二十名今分兩縣擬照本省安福分縣之例將衡陽

清泉縣志

卷首詳文

五

改爲中學減去八名新縣亦擬照中學定爲十二名廩增照例辦理驛站夫馬仍隸衡陽無庸新縣分管衡陽係附府首縣通省均定養廉銀一千二百兩新縣應同一律除將同知養廉六百兩改給外不敷之數請於空缺養廉項下撥給府司獄養廉卽可作新縣典史養廉無庸增添分縣以後衡陽錢糧漕折仍不下五萬案牘尚繁請仍爲四項相兼最要缺新縣擬爲繁疲難兼三要缺至衡陽所屬之查江地方界連衡山湘鄉邵陽祁陽等縣距各縣治窳遠易藏奸宄擬以衡陽縣丞移駐該處稽查彈壓附近村莊逃盜賭博鬪毆等事聽該員就近辦理命盜案仍歸知縣招解縣丞員缺照本省湘潭等縣移駐縣丞之例在外

調補新移縣丞衙署卽將在城衙署改建衡州協副將駐紮府城新縣汛防弁兵亦可就近分撥等因到臣臣查衡陽分縣久有成議體察地勢輿情實爲當務之急茲據詳各情城垣不須另建官役衙倉廉俸等項無事加增而兩縣分治耳目易周庶幾政平訟理一轉移閒於官民均有裨益理合奏祈

聖鑒如蒙

俞允恭候

欽定嘉名並頒新印所有分縣事宜錢糧細數容臣造冊具題等因臣等查衡州府屬之衡陽縣該撫等旣稱地廣民稠訟案太繁知縣日不暇給請將同知改爲知縣卽於

清泉縣志

卷首詳文

六

府城分建縣治據司道會詳云云應如該撫所請衡州府同知准其裁汰其捕務歸併通判管理卽於府城內添設知縣一員與衡陽畫疆而理東南二鄉統歸新縣一切地界人戶正雜錢糧仍令該撫分晰造冊咨送戶部查核同知俸薪除減給新縣外據該撫奏稱畱撥祭祀之用但畱爲何項祭祀動用之處並未聲敘應令查明另報禮部核辦新設知縣衙署准將同知衙署移蓋推官署基衡州府司獄准其裁汰改爲新縣典史卽以府監作爲縣監應設倉廩准在府倉內撥給數閒作爲縣倉其額設倉糧作何辦理之處應令該撫查明另報戶部核辦新舊兩縣旣係同城其

文廟照例無庸分建衡陽縣訓導准改爲新縣訓導門斗齋夫照舊分撥衡陽縣取進文童原額查雍正二年由大學議照府學之例定爲二十名今分設新縣地不加廣人不加眾學額未便加增應令照原額各分一半衡陽十名新縣十名該撫所請照中學各取十二名之處應無庸議原額廩增亦應各半缺出照例挨補分撥其出貢年分查縣二年一貢衡陽原額廩生二十名今既各半分撥仍應二年一貢通較食餼深淺兩縣輪流閒出舊廩貢完新補之廩亦照此辦理至取進武童原額止十五名該撫所請兩縣各取十二名等語與原額及歷年造報學冊不符應令查明申覆到日另議驛站夫馬准其仍歸衡陽管理無

庸新縣分管新縣知縣應給養廉既據該撫議照通省附府首縣均定養廉銀一千二百兩之數戶部查與定例相符應如所請惟應給銀一千二百兩除裁汰同知養廉銀六百兩改給外其餘不敷銀六百兩據該撫請於空缺養廉項下撥給查此項係前撫奏明按年發給采買永綏協兵米腳價之用未便移撥應令在額設養廉銀內另支報明戶部核銷新縣典史養廉准以府司獄養廉改給無庸增添衡陽縣准其仍爲四項相兼最要缺新設之縣應如所擬繁疲難兼三要缺註冊衡陽縣丞准其移駐查江地方稽查彈壓附近村莊逃盜賭博鬪毆等事聽該員就近辦理命盜案仍歸知縣招解縣丞員缺准其在外調補新

移縣丞衙署准將在城衙署改建新縣汛防弁兵准由衡陽協副將就近分撥再衡陽縣丞既准移駐查江衡陽訓導改爲新縣訓導其現任縣丞陳逢泰現任訓導李源長是否能勝新移縣丞新設訓導之任俱令該撫查明咨部另議裁缺之衡州府同知張景載府司獄沈欽夏應令該撫查明各員有無未清事件分別給咨赴部回籍另補其新設之縣俟

命下之日移揭內閣選擬嘉名進呈恭候

欽定並移咨禮部鑄給新印以昭信守其餘一切分縣事宜及錢糧細數等項統俟該撫等具題到日再議等因覆奏乾隆二十一年四月初十日奉

清泉縣志

卷首詳文

八

旨依議欽此欽遵移咨到院行司合就檄行仰官府吏即飭欽遵並查明分別辦理等因奉此當經前府舒守成龍轉飭查辦去後攝府視事查案檄催茲據衡陽縣知縣徐堂委員常甯縣知縣江恂會詳前來並將分撥新縣村莊煙戶民屯地丁南漕驢腳里納漕費耗羨解支撥補俸工牙當雜稅倉穀社穀鹽引及衙署工料城垣丈尺文廟祠宇塘房渡口鄉紳文武生員各項清冊申齋到府攝府覆查無異理合備由詳齋憲臺俯賜查核轉請題達深爲公便除詳臬憲外伏乞照詳施行須至詳者

清泉縣志卷一

地理

序曰王者辨方正位度地居民後世析置方隅猶存斯制况審其險易以備不虞尤守土之所重哉縣由衡陽分建雖荆實因然疆域里都鎮市山川區以別矣目迷之誚其敢蹈諸至形勢星野沿革已具衡陽志附著於篇記纂之體應爾

疆域

東西一百一十里南北八十里

湖南通志南北表一百五十五里

東至安仁縣潭湖鋪一百二十里到安仁縣治一百五十里南至常甯縣柏坊鋪八十里到常甯縣治一百一十里

清泉縣志

卷一地理

西至衡陽縣治一里北至衡陽縣長沙嶺四十里東南至耒陽縣春江鋪一百里到耒陽縣治一百五十里西南至永州府祁陽縣排山鋪九十里到祁陽縣治一百九十五里東北西北皆接衡陽縣境

距湖南省城三百七十五里湖廣省城一千里
京師四千九百五十里

里都

里都本兼坊廂而言衡陽舊編戶四十五里城內雍和坊城外東廂鄉都四十三各分里甲

國朝康熙中編區廢甲更定都名乾隆二十一年析置清泉縣割東南境屬焉城內雍和坊之半

南門至北門中街判道西屬衡陽東



屬清 城外東廂 瀟湘賓日閱江回雁 鄉都十七 自二十三
都九 瀟湘賓日閱江回雁 鄉都十七 都至三十

鎮市

鎮一

江東鎮湘水東岸值瀟湘賓日閱江三門

市二十六

泉谿市縣東三十里安仁路

江恂舊志原案谿爲耒水所經而過市五里卽清泉山山泉匯耒水成谿也衡陽王夫之詩又作前谿

茶阜市縣東五十里

堆子嶺市縣東五十里耒陽路

陸堡市縣東六十里

清泉縣志

卷一地理

二

魚頭灣市縣東七十里

相公堡市縣東七十里瀕耒水相傳諸葛武侯督賦臨烝

嘗艤舟於此

冠市街縣東八十里瀕馬水舊稱罐子街

雙王廟市縣東八十里

接官亭市縣東八十里安仁路

鐵絲塘市縣東八十里衡山路

小江市縣東八十里瀕耒水

花橋市縣東九十里

車陂橋市縣東一百里

將軍廟市縣東一百里接衡山界

繖莊市縣東一百里耒陽路

新城市縣東一百一十里古城縣治有上下街上屬耒

陽下屬清泉

上關市縣南回雁門外今稱南關

車江市縣南三十里

鐵關市縣南四十里鐵岡下

隆興市縣南六十里常甯路

石洞市縣南六十五里

松柏市縣南七十里

柏坊市縣南七十里常甯路

茅桐市縣南八十里

清泉縣志 卷一地理 三

和田市縣東南五十里

泉湖市縣西南七十三里

墟亦市也高橋墟縣東三十里人和墟縣東五十八里洪山廂墟重陂

凹墟縣東七十里望江山墟廖田墟縣東七十里黃竹兜墟縣東八十里

川口墟縣東九十里鹽沙塘墟縣東一百一十里樟樹墟縣東一百一十里柿江

墟縣南二十里煙竹墟縣南三十里竹丫墟縣南三十里月堡墟栗

江墟縣南七十里柞樹凹墟縣南八十里凡十六

山川

興龍山縣東二里

營盤山縣東十里山下有故壘

石窟山縣東三十里斜陂水源出此即穿口亦作川口